

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 15. stav (2) i (4) Zakona o izvršavanju budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19), na prijedlog Ministarstva finansija, Vlada Zeničko-dobojskog kantona, na 37. sjednici, održanoj dana 27.12.2019. godine, d o n o s i

ODLUKU

o preraspodjeli rashoda u budžetu Zeničko-dobojskog kantona za 2019. godinu

Član 1.

(Predmet)

Odobrava se preraspodjela rashoda planiranih u Budžetu Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19 i 22/19) između Ministarstva za obrazovanje, nauku, kulturu i sport i Ministarstva za rad, socijalnu politiku i izbjeglice.

Član 2.

(Način preraspodjele i namjena sredstava)

Preraspodjela rashoda planiranih u Budžetu Zeničko-dobojskog kantona za 2019. godinu, vrši se na sljedeći način:

- na razdjelu 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, planirani rashodi na poziciji 821200 – Nabavka građevina umanjuju se za 5.000,00 KM;
- na razdjelu 20, budžetska organizacija 01, potrošačka jedinica 0001 – Ministarstvo za rad, socijalnu politiku i izbjeglice, planirani rashodi na poziciji 614200 KAD207 – Ostali socijalni transferi uvećavaju se za 5.000,00 KM.

Član 3.

(Namjena sredstava)

Odobrena sredstva iz člana 2. ove odluke Ministarstva za rad, socijalnu politiku i izbjeglice će utrošiti za sufinansiranje nabavke komunikatora za učenika sa posebnim potrebama.

Član 4.

(Realizacija odluke)

Za realizaciju ove odluke zadužuju se Ministarstvo za obrazovanje, nauku, kulturu i sport, Ministarstvo za rad, socijalnu politiku i izbjeglice i Ministarstvo finansija, svako u okviru svojih nadležnosti.

Član 5.

(Stupanje na snagu)

Ova odluka stupa na snagu danom donošenja i objavit će se u „Službenim novinama Zeničko-dobojskog kantona“.

PREMIJER

Broj: 02-14-18782/19

Datum, 27.12.2019. godine

Z e n i c a

Mirza Ganić

DOSTAVLJENO:

- 1x Ministarstvo finansija,
- 1x Ministarstvo za obrazovanje, nauku, kulturu i sport,
- 1x Ministarstvo za rad, socijalnu politiku i izbjeglice
- 1x „Službene novine Zeničko-dobojskog kantona“,
- 1x a/a.